

柳選四家醫案

江陰柳寶詒選定

四家醫西案

上海文瑞樓石印

R249.1
2

本莊發兌各種醫書目錄

陳修園四十八種

醫宗金鑑

沈氏尊生

丹溪心法

柳遜四家醫案

印步青輯四時病機

葉天士選醫衡

瘍科心得集

外科醫案

傷寒來蘇集

王孟英醫書五種

濟陰綱目

溫熱經緯

溫病條辨

針灸大成

五水註內經

湯頭歌訣

儒門事親

外臺秘要

瘍醫大全

景岳全書

張氏醫通

驗方新編

醫宗必讀

徐氏十六種

名醫類案

醫門法律

三家醫案

臨證指南醫案

牛馬經

醫方集解

本草備要 合刻

眼科大全

幼科三種

幼幼集成

傳青主男女科

本草綱目

本草從新

辨症奇聞

醫宗說約

本草三家註

王季脉訣

醫學心悟

藥性賦

名醫指掌

六科準繩

醫門棒喝

外科正宗

傷寒論

時病論

東垣十書

黃氏八種

醫林指月

萬病回春

壽世保元

中西滙通五種

內經知要

外科全生集

世補齋醫書

仲景傷寒論釋義

胎產心法

胎產金針

徽瘡秘錄

同餘按道充五年吾母許太夫人以歐血謁轉先生於
吳門先生切脈曰夫人得無從高墜下乎曰然又曰
無引重努力乎曰朕是時吾母奉親過嶺先生量藥
一裹俛指計程曰行至贛江愈矣已而果然督母家
居嘗左抱兒右挈漿下樓顛自初枕至不盡一級止
胛脊傷矣而兒無恙此歐血之因也同餘親聞此事
因謹識於後

光緒三十年四月廿又一日

江陰柳氏醫學叢書

評選繼志堂醫案兩卷

右繼志堂醫案兩卷曹仁伯先生所著也先生諱存心字仁伯別號樂山係常熟之福山人幼時讀書穎悟長老咸目為令器顧以家道不豐一矜不足裕衣食遂謀習醫從薛性天先生遊薛故郡中名宿得先生劇賞之謂將來光吾道者其必曹生也先生居薛所十年煒燦燁掌上自靈素下逮薛喻諸家無不研求貫串乃出應病者之求輒奏奇效先生嘗言醫者存心須視天下無不可治之病其不治者皆我之心未盡耳故其臨病人也研精覃思直以一心貫乎病者之食息起居而曲折無不周至每有劇病他人所棄而不治者先生獨能運以精思而以數劑愈之古人謂生死肉骨先生誠有之焉先生又言每遇病機叢雜治此礙彼他人莫能措手者必細意研求或於一方中變化而損益之或合數方為一方而融貫之思之思之鬼神通之苦心所到必有一恰合之方投之而輒效者以是知醫者之於病稍涉危疑即目為不治而去之者其不盡心之過為不少也嗟乎先生之言如此即先生居心之篤厚與藝事之精能蓋皆即是而可見矣先生所著有琉球百問繼志堂語錄過庭錄延陵弟子紀畧諸書經先生之孫博泉壬午夏集鉅行楊太常濱石序之先生之行誼備詳於許君廷誥所撰家傳中先生以醫名著繼葉薛諸公而起德被吳中名馳海

言遲疑不決專著
外至今人能道之特其所著醫案於過庭錄延陵弟子紀畧外未有傳本今年夏偶
於友人處得見其門弟子所錄存者惜中多闕誤因假歸鈔錄為之次第整理刪其
繁亂擷其精粹間或贅以評語以發明其用意之所在鈔成上下兩卷俾後人讀之
猶可想見其診病時危坐構思旁若無人之概云光緒二十六年庚子八月江陰柳
寶詒識

惜餘小舍評選各家醫案編目次序

內傷雜病 勞倦 七情 脾胃

痿痺 痿覺 痺痛 麻木 拘攣

神志 顛忘 狂 癲 怔忡 驚悸

欬喘 肺癰 肺痿 喘咳 失音 喉痺

虛損

消

嘔噦 嘔吐 噦膈 反胃 胃寒 雜感

外感 風溫 寒濕 濕熱

濕 寒濕

瘧疾 胸痺 肺痺 腸痺 胞痺

痺氣 胸痺 肺痺 腸痺 胞痺

疝氣 鼓脹 痞滿 浮腫

腫脹 鼓脹 痞滿 浮腫

肢體諸痛 肩臂胸背脇肋腰脊股膝肢節諸痛

脚氣

類中 中風 類中

內風 肝風 痙厥 眩暈

痰飲 飲證 痰閉

失血 瘀血 衄血

汗 氣鬱

諸鬱 溫熱

伏氣 中暑 傷暑 伏暑

暑 痧疫 霍亂 時痧

痧疫 霍亂 時痧

黃痺 脫腹痛 脫痛 腹痛 少腹痛 厥痛

脫腹痛 脫痛 腹痛 少腹痛 厥痛

瘕癖 瘕瘕 積聚

頭痛 頭風 咽喉

諸竅 七竅 咽喉

遺精

小便 淋濁 癰閉 漫血

痢疾

蟲 狐惑 諸蟲 蟲毒

外瘍雜證 痰癧

小兒

泄瀉 痔漏 脫肛 便閉

大便 交腸 便血

內癰 胎前 產後 經帶 雜病

婦人

凡編選醫案其分列門類最難清楚蓋一病中每有兼證錯見既可列於此門亦可入於彼類也此次擬定總目四十而以子目分註於下凡集中錄案多者標明總目分門編列如錄案無多即不復分標門類而編列前後則仍依此目為序以便讀者可依目檢尋也

評選繼志堂醫案上卷

常熟曹存心仁伯著

江陰柳寶詒穀孫選評

及門諸子 參校

內傷雜病門

○心營與腎水交虧肝氣挾肝陽上逆胸中氣塞口內常乾舌震舌掉口頑不痛即有寐時神魂游蕩自覺身非已有甚至便溏納少脾胃亦衰弱無相攝之象遂證施治似乎應接不暇因思神魂魄必令各安其所庶得生機勃勃否則悠悠忽忽恐難卜其旋元吉擬許學士真珠母丸法

石決明

鹽水一兩

人參

錢一

歸身

錢半

犀角

錢五

龍齒

錢三

茯神

淮藥

錢三

沈香

唐冲三分

另珠粉

四分先服

平矣

詒按此方於肝氣一層嫌少理會愚意去山藥甘草加木香陳皮則胸中之氣塞亦

又接服方

生地

白芍

人參

丹皮

橘紅

茯神

棗仁

石決明

龍齒

秫米 佛手

再診 脈之歇止向和便之澹泄不作氣塞稍平手震亦定但寤多寐少內藏之魂魄未

安胸痞腕悶上壅之濁痰未降容將通陽鎮逆法參入前方冀相與有成耳

真珠母丸 真珠母 熟地 當歸 龍齒 棗仁 去柏子仁 當歸 加旋覆花錢

五代赭石 陳皮 冬朮 炙草 白芍 麥冬 甘瀾水煎竹瀝一兩冲服

詒按案云通陽鎮逆方中用旋赭鎮逆而朮芍麥草則未可謂之通陽也

三診 夜半得寐心腎已交肺魄肝魂自能各安其藏無如心易煩動神反疲乏氣猶短

促胸還痞悶脈仍細小兩足不安脈虛證虛是謂重虛而兼有濕痰從之為患夫痰即有

形之火火即無形之痰也法當固本為主消痰佐之

人參固本丸 加龜板 五錢 茯神 三錢 棗仁 二錢 白芍 三錢 淮麥 三錢 陳皮 一錢 旋覆花 五錢 柏子

仁 一分 油 五分 冬朮 半錢 另珠粉二分竹油二十匙雞子黃一枚和服

詒按於痰病重投冬地得無嫌其滋膩否

四診 風火痰三者之有餘留滯肝經以致卧血歸肝魂不能與之俱歸筋惕肉瞤而醒

前次氣短等證莫不因此而又起於有年病後氣血兩虧何堪磨耐所治之方不出許學

士法加減現在脈息細小帶弦雖無止歇之形尚有不靜之意究屬難免風波未可以能

食為足恃也

石決明 鹽水焠 麥冬 二錢 犀角 五分 柏子仁 三錢 龍齒 三錢 棗仁 三錢 鹽水炒 歸身 七分 大熟地 拌炒六錢

錢 羚羊角 錢一 冬朮 五分 白芍 三錢 陳皮 錢一 人參 錢二 茯神 錢三 銀花 錢一 薄荷 五分

另金箔二張竹瀝兩真珠粉三薑汁一匙冲服

詒按方中用銀花薄荷兩味不識其意何居

五診 前夜熟睡昨又變為少寐寐之時適在子時以後肝膽兩經尚有餘邪可知更兼痰火阻氣時逆時平其氣逆時必面赤心悸甚則肉瞤筋惕煩熱不安脈亦隨之變異所謂心火一動相火隨之是也調治之外必須靜養俾心火凝然不動方可漸入坦途

人參 丹參 麥冬 元參各二錢 旋覆花 冬朮各一錢 橘紅一錢 小麥五錢 棗仁川連煎汁拌炒

茯神 川貝各三錢 炙草四錢 枇杷葉 竹茹各三錢 珠粉冲三分

詒按相火屬少陽即膽火也方中川連竹茹恰合病機

六診 所患小恙無一不除蓋以清之化之補之養之無微不至而得此小效耳所嫌者寐非其時寤非其時心陽太旺神氣外馳是衛氣獨行於陽陽蹻脈滿滿則不入於陰陰分之虛明矣將滋陰之品參入前方未識能戈獲否

前方加大生地錢五 陳膽星五 另真珠母丸 硃砂安神丸各五十粒

詒按此證不寐乃肝膽有痰火所致案中引內經陽蹻脈滿之文本屬強為牽合至以經言陰虛指為陰血之虛尤非經文本旨

七診 人可以參天地之幹者莫貴於眠食如常今食能知味眠則未安昨夜忽寐忽醒醒則不爽寐則不安以昭衛氣不得入於陰獨留行於陽之意

按案語牽合支離總由誤認經文陰字故說來總不

言... 卷上
理是陽踰脈滿營血不能充足肌肉不能潤澤苟非陽生陰長陰足戀陽何以漸入佳境
然營中之血既不生之於心烏能藏之於肝統之於脾而欲藉草木之無情俾血肉之有
情者以生以長談何容易况當此疾火易煩得食暫安以及虛風內動筋惕肉瞤支體牽
搖大便難通之候更難為力矣急宜加意調理

前方去元參旋覆珠粉丹參

加黃耆

錢一遠志三

歸身錢一

半夏

錢一猪胆

汁五分

木香

分三圓眼

肉桂

另真珠母丸

四十粒

硃砂安神丸

三十粒

詒按黃耆與此證不甚合膽汁炒半夏思路新穎

八診 徹夜好眠神魂已定是佳兆也但脈形細小而兼滑數數為有大滑為有痰細屬
陰虛小屬氣弱虛弱之中兼有痰火有時面紅有時效嗽有時氣痞而短有時煩熱不安
更兼大便燥而小便短筋惕肉瞤支體動搖神情困倦語言無力等證均未平復還宜謹
慎小心

前方加柏子仁三錢

另硃砂安神丸

三十粒

真珠母丸

四十粒

詒按此好眠是痰蒙所致未必定是佳兆

九診

臟之為言藏也心之神肝之魂肺之魄脾之意腎之志無不各得其藏五臟和矣

即有不和因藏真不足益有待也而與藏相表裏者為府府以通為補與藏之以塞為補

者有間因思胃主下行腸主津液津液不充下行失令故大便燥結而難通此際不以滋

養營陰俾得施潤澤非計也目前之治如此將來或痰或火或感或傷偶有違和事難逆料斷無預定之理隨時斟酌為囑

麻仁 郁李仁 柏子仁 松子仁各三錢 桃仁七分 陳皮 人參 蘇子各二錢

另朝服膏滋藥晚服丸藥

此王江涇王姓病也是人素有肝火上升之病想熱病之後必有餘邪餘火留於肝膽乘虛竊發氣塞而不能卧起者中有實痰加於短氣不足以息之體神魂搖蕩身非已有虛之甚矣用真珠母丸法先以犀角治實火參地補氣血俾相火得清而奠安 第二方即參入陳皮竹油赭石旋覆花挾補挾化 第三方人參固本入龜板耆芍雞黃 第四方加入羚羊銀花清藥與補藥俱加倍用之第五六方竟是十味溫膽嚶重痰火一層用藥心細手和既沈着亦靈敏洵可法可師之作

○陽絡重傷效無虛日而於五更為甚口乾盜汗溺赤便澹脈數而身熱欲成損證也咽中已痛慮其加喘生變權以清熱存陰

黃芩湯合猪膚湯加牡蠣

再診 所見病情與前無異喜食藕汁咽中乾痛稍輕大便澹泄更甚雖屬肺熱下移於大腸而實則中氣已虛失其所守也

六味丸 加牡蠣 川貝 元參 淡芩

詒按大便溏泄虛證中所最忌者此證始終大便不堅故再三反復終不復元也
三診 溏泄已止效嗽未除咽痛盜汗脈數肺經尚有熱邪

補肺阿膠散 加白芍 生地 淡芩 元參 山藥

四診 便泄稀身熱輕咽喉乾痛亦漸向愈而效嗽腹鳴神疲納少脈小帶數想是風熱
遞減氣陰兩虧而脾中之溼又從而和之為患補三陰通三陽之外更以崇土化溼佐之

六味丸 加牡蠣 淡芩 於朮 防風 陳皮 炙草

詒按陰虛而挾脾溼陽虛而挾肺火邪實正虛彼此相碍凡治此等證總須權其輕
重緩急又須心靈手敏方能奏效若稍涉呆滯則效未見而弊先滋如此證屢用六
味雖於證情亦合究嫌落筆太重少靈動之機括也

五診 氣陰得補漸和不意又有燥風外感襲入溼痰之中微有寒熱咽痛效嗽不止權
以清養法

六味丸去萸 加桑葉 杏仁 陳皮 川貝 炙草

六診 發熱惡風汗多是屬傷風之象但傷於壯者氣行則已傷於怯者難免不着而為
患也大為棘手

六味丸合玉屏風散 加桑葉 元參 川貝 橘紅 甘草

七診 多汗惡風之象漸輕新風解矣而效嗽咽痛大便溏飲食少仍是脾肺腎三藏皆

虛之候幸未氣喘

玉竹飲子

玉竹茯苓甘草桔梗陳皮川貝紫苑薑

合猪膚湯

玉屏風散

加麥冬

山藥

八診 脾虛則便溏肺虛則咳嗽腎虛則虛火上炎咽喉乾痛脈弱無力元氣傷矣急宜

補氣育陰

人參

二冬

二地

黃耆

陳皮

阿膠

杏仁

百合

甘草

詒按此方究非便溏所宜

九診 精生於穀腎之精氣皆賴穀食以生之而穀食之化又賴脾土以運之今便溏納

少脾失運矣急宜補脾為要

都氣丸合四君子湯

百花膏

另八仙長壽丸參湯下

詒按此方亦嫌少靈活之致 又按此證前後方案九則議論頗有精當處惟用藥

未能面面照顧總緣陰虛而兼便溏彼此相碍難於安置妥帖也

○先生之病素稟溼熱又挾陰虛之病也溼者何地之氣也熱者何天之氣也天地鬱蒸

溼熱生焉溼熱稟於先天者與元氣混為一家較之內傷外感之溼熱屬在後天者豈可

同日語哉設使薄滋味遠房障不過生瘍出血而已乃從事膏粱更多嗜慾斯溼熱外增

陰精內耗藏府營衛但有春夏之發而無秋冬之藏無怪乎風火相煽而耳為之苦鳴也

當斯時也靜以養之猶可相安無事何又喜功生事火上添油致陡然頭暈面赤其一派

交交之勢益無非肝經之火督脈之陽上冒而為患近聞用引火歸原之法以為甘溫能
 除大熱嗟乎未聞道也夫甘溫除大熱者良以下極陰寒真陽上越引其火歸其原則攻
 離爻媾太極自安若陰虛溼熱蒸動於上者投以清滋尚難對待况敢以火濟火明犯一
 誤再誤之戒乎逮後清已有法滋亦頻投飲食能增身體能胖而生立獨不能久者明是
 外盛中空下虛上實用藥殊難嘗見東垣之清燥湯丹溪之虎潛丸潤燥兼施剛柔並進
 張氏每贊此兩方謂必互用始克有濟何故而不宗此耶然猶有進於此者治病必資藥
 力而所以載行藥力者胃氣也胃中溼熱薰蒸致吐血痰嗽鼻塞噫氣二便失調所謂九
 竅不和都屬胃病也然則欲安內藏先清外府又為第一要著矣至秋末冬初病甚者十
 月坤卦純陰天已靜矣而溼熱反動腎欲藏矣而溼熱仍露能勿令病之加劇乎附方謹
 復

青鹽四兩 甘草八兩 薺薺一斤 海蛇斤二 薺薺兩 飴糖兩八 刺蝟皮五錢 天菊五錢 十大功勞葉兩

一橘葉兩 共為末竹瀝和水泛丸每朝四錢服完後合虎潛丸全料全合常服按方中海

蛇薺薺糖不能作丸此必有誤思意用東垣清燥湯方合青鹽以下數味為末而用薺薺海蛇煮汁和飴糖竹瀝泛丸乃合

原註起手提清溼熱之病陰虛之體發明先天素稟溼熱之故第二段一折折出嗜

欲膏粱因此更加陰虛第三段再折折出動火傷陰第四段直闢用熱之謬下乃歸

到治病先治胃通篇說理既精筆力道老饒有古文筆意

詒按推論病原指陳治法言言切實絕無模糊影響之談最後推出先清胃府一層尤為洞中窳要深合機宜凡治陰虛溼熱者於此可悟出法門矣

○身熱手心熱少力神倦泔利脈濡此脾陽下陷陰火上乘甘溫能除大熱正為此等證設也

補中益氣湯 加蟹甲 詒按此脾虛內熱證也用東垣法最合

○勞倦而招風溼右脈濡小左脈浮弦舌苔薄白溺赤便澹肢體痠楚神倦嗜卧少納口乾

升陽益胃湯 參朮耆草夏陳苓澤
羌獨防柴連芍薑棗 加川朴 青皮

詒按此與前證略同故用藥亦相似

○胃虛則納食無味脾虛則運化無常

六君子湯合治中湯 加熟地 益智仁 杭米

詒按脾喜溫升宜香燥胃喜清降宜柔潤脾陽健則能運胃陰充則能納凡脾胃同

治者用藥須識此意 愚意去熟地 加石斛似與胃虛者更宜

○五藏六府皆有營衛營衛不調則寒熱分爭此病分爭之後肌肉暗消因思脾主肌肉肌肉暗消正所以昭脾之營衛虛也無怪乎腕脛納少力乏嗜卧脈形軟弱有種種脾虛見象於法當健脾為主而八八已過之年陽氣必衰又宜兼壯元陽使火土合德尤為要

務